


古今法書苑

六十九
七寸

112
49
37





特刊
49
37



古今法書苑卷之六十九

吳郡王世貞元美甫編 雲間王乾昌伯元甫校

十三之石 十五

唐大雲寺禪院碑 開元十一年李邕撰并行書

右唐大雲寺禪院碑李邕撰并書初武后時有僧上

大雲經陳述符命遂令天下立大雲寺至開元二十

六年詔改為開元寺此碑十一年建故猶稱大雲也

金石錄

唐上黨宮述聖頌 開元十一年張說撰裴灌正書碑

唐高行先生徐公碑 開元十一年姚弁撰序賀知章

陰蕭誠行書 銘徐嶠之正書



唐香嚴寺碑

開元十一年康希範撰徐嶠之正書

唐莎羅樹碑

開元十一年李邕撰并行書

唐張松質與李邕書

唐老子孔子顏子贊

開元十一年睿宗撰李邕行書

唐六公詠

開元十一年李邕撰胡履虛八分書

右唐六公詠李邕撰胡履虛書初余讀杜甫八哀詩云朗詠六公篇憂來豁蒙蔽恨不見其詩晚得石本入錄其文詞高古真一代佳作也六公者五王爲一章狄丞相別爲一章云

金石錄

李北海六公詠今泰和集中雖有詩而無其姓名或

遺余荊州六公詠石刻故得具載于此按中宗復位以彥範王扶陽揮王平陽玄暉王博陵柬之王漢陽怨已王南陽世謂五王然皆梁公所進故邕歎其成大功者六人詩尤奇偉豪氣激發宜老杜有云昔盧藏用謂邕如干將莫邪難與爭鋒史官謂碑頌是所長余見他文亦不若是序言邕爲荊州今新舊書不書也

唐普寂禪師碑

開元十二年盧鴻撰并八分書

唐神泉寺石經西塔銘

開元十二年唐昭明撰田呂正書

唐靜泰法師碑

開元十二年呂向撰劉懷信正書

唐寶相寺釋迦像碑

開元十二年陳子傑撰陳思光正書

唐真定令柳君紀德碑

開元十二年裴抗撰并八分書

唐涼國長公主碑

開元十二年蘇頌撰明阜八分書

右唐涼國長公主碑蘇頌撰明皇書公主睿宗女也

新唐書列傳云字華莊而碑云諱寃字花粧傳云下

嫁薛伯陽而碑云嫁溫彥博曾孫曦按新史睿宗第

三女荆山公主已嫁薛伯陽當以碑為正

金石錄

唐鄭司農碑

開元十三年史承節撰龔思貞行書

唐一速孤行儼碑

開元十三年劉憲撰自義旌八分書

唐李公元始天尊像碑

開元十三年鄒瑾撰耳遺榮八分書

唐文蕩律師碑

開元十三年盧渙撰魏栖梧正書

唐明皇行次成臯詩

開元十三年艾敘行書

唐興州司馬王公碑

開元十三年郭子晉撰趙崇德行書

唐索法師清德碑

開元十四年馬克庵撰范希璧行書

唐西嶽大洞張尊師碑

開元十四年王延齡撰李慈正書

唐紀太山銘

開元十四年明皇撰并八分書

唐衛尉正卿臬君碑

開元十五年長子隱奉撰敘仲子伯逸正書

右唐臬君碑臬君者高麗蓋蘇文之孫臬男生之子

也高宗時與男生同歸朝仕為衛尉卿按唐書及元

和姓纂皆云名獻誠今此碑乃云諱寔字行於代而

缺其字不書又姓纂云獻誠生玄隱而碑但云名隱而已金石錄

唐處州松陽永寧觀碑李邕

右傳云葉法善修此觀欲求邕書隔遠不至乃夜追其魂書之請之追魂碑蓋神異其事云爾此碑予曾見其拓本信為超絕或者因傳之與碧落碑事相類

慎揚

唐左驍衛大將軍趙元禮碑開元十五年潘肅撰陸堅八分書

右唐趙元禮碑潘肅撰元禮趙麗妃之父本山東倡也明皇在潞麗妃以倡得幸後生太子瑛開元初元

禮父子皆超遷至顯官卒贈越州都督謚曰忠詔為立碑稱述甚盛夫爵祿天下公器所以待有德與功者明皇昵於內嬖尊寵如此使天下之士亦何所勸乎金石錄

唐施石臺銘開元十五年趙僕撰并行書

唐梁思楚碑開元十五年郭翊撰衛秀集正書

唐盧舍那碑開元十六年趙僕撰蔡有鄰八分書

盧舍那佛像記蔡有鄰書今見于世者三碑惟尉遲迴廟與此存爾書法勁險驗使筆墨盡得如意當與鴻都石經相繼也唐志稱有鄰於八分本怯弱至天

寶間遂至精妙相術中多其跡然則當時蓋不止三
碑惜今亡之也 廣川書跋

唐武臨令慕容公德政碑 開元十六年正書書撰八
姓名殘缺

唐嵩岳少林寺碑 開元十六年裴灌撰并正書

右唐嵩岳少林寺碑守吏部尚書裴灌撰并正書少
林寺在河南登封縣少室山麓去嵩岳二十里嵩岳
一稱太室故有少室而此寺曰嵩岳者統於尊也予
正德癸酉嘗遊嵩岳訪少室留宿寺中見殿後有立
雪堂相傳昔達磨之徒惠可欲嗣其法雪深至腰不
去此即其處寺右上山三里有達磨洞洞有石達磨

面壁九年形宛然石上其事甚異達磨為釋氏西來
初祖可稱二祖碑雖及其人而二事皆不之載寺復
有太宗與僧教書石刻蓋太宗為秦王時寺之僧舍
王世充以獻故太宗賜畫優美而碑云僧執世充姪
仁則以歸與教書不同予故書之以見古人之文不
無缺誤如此然非予之親歷則亦莫能知也 金
唐王方翼碑 開元十六年張說撰陸堅八分書

右唐王方翼碑張說撰其事與唐書列傳皆合以校
余家所藏燕公集本不同者二十餘字皆當以碑為
是也 金石錄

唐薛王府典軍李無慮墓誌開元十七年賈彥璿撰正書無姓名

唐堂陽令元府君德政頌開元十七年正書無書撰人姓名

唐佛馱禪師碑開元十七年李訥撰張庭珪八分書

唐佛馱禪師塔碑後序開元十八年李湜撰明乾節行書

唐養病坊碑開元十七年邵閏之撰韋李莊行書

唐養病坊勅

唐龍角山紀聖銘開元十七年明皇撰并八分書

右唐龍角山紀聖銘明皇撰按高祖實錄稱武德三年晉州人吉善行於羊角山見老君稱是唐祖唐平賊後當為帝享國于歲遂遺杜昂致祭立廟其地據

碑稱是時太宗為秦王討宋金剛時其事可謂恠矣然碑與實錄所載語頗不同碑稱善行以武德三年二月初奉神教至四月老子又見曰石龜出吾言實既而太宗遣昂善行乘驛表上此至長安適會郇州獻瑞石如龜文曰天下安千萬日而實錄亦云郇州獻瑞石有文曰天下千萬其語小異又碑稱善行絳州人而實錄云晉州爾老子其生以清淨無為為宗豈身沒數千歲而區區為人稱述符命哉蓋唐太宗初起託以自神此陳勝所謂卜之鬼者也唐大雲寺文八佛像碑開元十七年段履水撰行書無姓名

唐張嘉貞碑

開元十七年王丘撰陸堅八分書

唐太武皇帝駐馬碑

開元十七年僧貞慶文并書

唐龍興觀碑

開元十七年李邕撰行書無姓名

唐游擊將軍薛侯碑

開元十八年趙含章撰并行書

唐冠軍大將軍臧懷亮碑

開元十八年李邕撰并行書

右唐臧懷亮碑李邕撰并書臧氏世墓在耀州三原有數碑予盡得之元和姓纂云懷亮生希讓為渭北節度使此碑具載懷亮諸子無名希讓者以余家所有顏魯公書懷恪碑考之希讓蓋懷恪子云

金石錄

唐老子廟碑

開元十八年于孺卿撰房自謙正書

唐東夏師資正傳

開元十八年僧慧超述李巖正書

唐平南蠻碑

開元十八年蕭晉用撰序蔡希周銘

唐蕭灌碑

開元十八年張說撰梁升卿八分書

右唐蕭灌碑張說撰云灌為內直監以外艱去職當免喪不就祥縞不撤几筵者久之夫禮為可傳孔子謂子路曰先王之制禮行道之人皆弗忍也灌父喪當除其母無恙而過時若此豈禮也哉

金石錄

唐皇極禪師碑

開元十八年崔禹撰蘇現銘韋鑒八分書

唐麓山寺碑

開元十八年李邕撰并行書

唐貞法師旌德記

開元十八年八分無書撰人姓名

唐大忍寺門樓碑開元十八年沙門釋其撰裴抗八分書

唐立東方朔碑開元十九年楷令譽撰行書無姓名

唐楊曆碑開元十九年李邕撰序鍾紹京撰銘并行書

右唐楊曆碑題云義男光祿大夫前中書令上柱國

越國公太子右諭德潁川鍾紹京撰銘并書歷中官

楊思勗父也紹京出於胥史無他才能特以夤緣附

會致位宰相固無足道者然屈于閹豎至以父事之

而著之金石畧無愧耻亦甚矣新舊史皆闕焉故余

詳錄之金石錄

唐汝陽王長女墓誌開元十九年寧王撰崔庭王行書

右唐汝陽王長女墓誌寧王撰唐史及諸書汝陽王

名皆為璿而此誌獨作淳誌寧王自作不應差誤按

寧王諸子與玄宗子名皆從玉疑汝陽先名淳後改

為璿唐史不載耳玄宗諸子名初皆從水後改從王也金石錄

唐東林寺碑開元十九年李邕撰并行書

唐亳州刺史李行正碑開元十九年崔圓月撰魏包八分書

唐立漢光武皇帝碑開元十九年李雲撰盧規行書

唐膠水令徐公德政頌開元十九年封利建撰序杜暉銘正書姓名殘缺

唐北嶽真君碑開元二十年房鳳文八分書

唐青城山丈人祠廟碑開元二十年徐大亨撰廿遺八分書

唐使者徵祥記 開元二十年潘翹撰并正書

唐愛州刺史徐元貴碑 開元二十年鍾紹京撰并正書

唐阿彌陀佛贊 開元二十年殷彥方撰鍾紹京正書

唐南嶽真君碑 開元二十年趙願貞撰蕭誠正書

右唐南嶽真君碑有別駕賞紫金魚袋光大睦歐陽公云賞紫蓋今借紫之比予按唐制自有借紫借緋而又有賞紫賞緋蓋以軍功被賞者耳 金石錄

唐玄宗皇帝廟額碑 開元二十年敬抱忠撰呂獻臣八分書

唐歙州刺史郭茂貞碑 開元二十年賀知章撰八分書姓名殘缺

唐源公石幢記 開元二十一年封利建撰賀遂同八分書

唐北嶽恒山碑 開元二十一年釋邈詞撰釋曠書

唐后土神祠碑 開元二十一年明皇撰并八分書碑陰蕭嵩正書

唐京兆尹張公德政碑 開元二十一年孟匡朝撰史惟則八分書

唐立梁宣帝明帝二陵碑 開元二十一年

右梁宣帝明帝二陵碑開元三十一年其裔孫嵩追

建其前題銀青光祿大夫黃門侍郎同中書門下平

章事而姓名已殘缺按唐紀開元二十一年韓休實

為此官然則此碑乃休之文也碑後題金紫光祿大

夫行光祿卿駙馬都尉而姓名亦殘缺者蓋嵩之子

衡也 金石錄

唐景陽井銘

開元二十一年一八分一正書書撰人姓名殘缺

右唐景陽井銘文字磨滅後有記開元中江寧縣丞王震撰震所撰記其前以為序稱予莫知誰也其末乃云蓋隋煬帝之所製耳然則未知果煬帝所製乎

錄金石

辱井銘辱井有篆文云辱井在斯可不戒乎并下文共十八字在井石檻上不知誰為文又有景陽樓下井銘又有陳後主叔寶辱井記云江寧縣興嚴寺井石檻銘莫知誰作也歷序隋文帝命晉王廣伐陳後主自投井中令人取之驚其太重及出乃與張貴妃

孔貴人三人同束而上其末云唐開二十一年三月十七日前單父縣令左轉此縣丞太原王已下缺

唐孝義寺碑陰記

開元二十二年徐嶠之撰并正書

右唐孝義寺碑陰記初陳徐陵為孝義寺碑至開元二十二年徐嶠之為湖州刺史再書刻之因記其事于碑陰嶠之自云陵十世孫按陳書陵以後主至德元年卒距開元二十二年才百五十餘年不應已有十世孫又據嶠之父高行先生碑云曾祖儼梁岳陽王叅軍則是儼與陵同時而在其前不應為陵五世孫以此碑陰所書可疑然其筆法精妙非嶠之不能

為特恐書時誤耳 金石錄

唐光武即位壇碑 開元二十二年王預撰行書

唐老子廟碑 開元二十二年崔季友撰鄭欽正書

唐老子聖母碑 開元二十二年李昇卿撰呂獻臣八分書

唐韓公井記 開元二十二年

韓公井記開元二十二年初置十道採訪使韓朝宗以襄州刺史兼山東道襄州南楚故城右昭王井傳言汲者死行人雖暵困不敢視朝宗移書諭神自是飲者亡恙人更號韓公井楚故城今謂之故墻即鄆也此記今移在郡廨中故城改為墻者由梁太祖父

烈祖名誠當時避之故至今猶然

唐代國長公主碑 開元二十二年鄭萬鈞撰并行書

右唐代國長公主碑云公主睿宗第四女也新唐史

以為第五女盖史誤碑云公主壻鄭萬鈞撰 金石錄

唐涇州刺史牛意碑 開元二十二年張九齡撰八分書

唐贈太子詹事王同暉碑 開元二十二年孫逖撰史惟則八分書

唐趙冬曦祭仲山甫文 開元二十三年人分書

右唐趙冬曦祭仲山甫文開元二十三年冬曦為濮

州刺史因明皇耕籍田致祭刊此文焉按樂史寰宇

記仲山甫墓在雷澤縣西北一里墓前有祠堂石室

而酈道元注水經成陽堯陵北二里有仲山甫墓考地驗狀咸為疎僻蓋聞疑書疑耳予嘗得其石室畫像上有八分書題云君為從事時以字畫及衣冠人物驗之乃東漢時所為決非山甫墓漢末仲氏為成陽大族堯母碑陰題名數十人皆仲氏而廷尉定以下三碑尚存廷尉碑云聖漢龍興家于成陽孟府君堯廟云惟仲山甫佐周中興受封於樊周道衰微失爵亡邦後嗣乖散在干成陽蓋後人因仲氏葬于此遂誤指為仲山甫墓其實非也 金石錄

唐趙冬曦祭堯廟文

開元二十二年八分書

唐珪禪師碑

開元二十三年宋儋撰并行書

唐同州刺史解琬碑

開元二十三年蘇頲撰梁昇卿八分書

右唐解琬碑琬武后中睿朝為將有功新舊史皆有傳所書事跡終始與碑多合惟碑與舊史皆云琬以開元六年卒而新史以為卒于五年者誤也 金石錄

唐五羖大夫碣銘

開元二十三年撰人姓名殘缺鄭璉正書

唐謁郭巨祠堂記

開元二十三年楊傑撰李臯八分書

唐相州刺史侯莫陳涉墓誌

開元二十三年鄭同昇撰盧自勸正書

唐秦望山法華寺碑

開元二十三年李邕撰并行書

唐華州刺史楊公遺愛頌

開元二十三年王暉撰史惟則八分書

唐長豐縣興城碑

開元二十三年沙門邈文撰八分書無姓名

唐贈袁州都督裴守真碑

開元二十四年崔沔撰梁昇卿八分書

右唐裴守真碑云守真曾祖景周富平令祖正長平

郡贊治考脊鄭令新唐史宰相世系表亦云景生正

隋散騎常侍正生脊字歸厚為鄭令而元和姓纂乃

云正生歸厚歸厚生脊者誤矣惟守真及其子耀卿

碑皆云正為長平郡贊治而世系表言為散騎常侍

又云脊字歸厚不知何所據也

金石錄

唐令長新戒三碑

一汜水正書一房子縣正書一八分書

唐光祿少卿鄭曾碑

開元二十四年梁昇卿撰并八分書

唐御注道德經

開元二十四年明皇注并行書諸王書額

唐元氏令龐公清德頌

開元二十四年邵混之撰蔡有鄰八分書

唐大智禪師碑

開元二十四年嚴復撰碑陰記楊伯成撰俱史惟則八分書

唐盧真廳事讚

開元二十四年明皇撰并行書又謝表正書無姓名詔行書

唐穎王府司馬蕭擢墓誌

開元二十四年正書無書撰人姓名

唐館陶令徐君遺愛頌

開元二十四年張孚撰朱瑗八分書

唐普照王寺碑

開元二十四年李邕撰并行書

唐屯留令邢義碑

開元二十五年

右唐邢義碑義邢和璞父也元和姓纂云和璞父名思孝為豐州都督而碑乃云公諱義字思義仕為屯

留令又姓纂云後魏光祿卿邢虬虬生臧臧生玄功
玄功生思孝思孝生和璞而碑乃云玄助之祖名子
良皆當以碑為據金石錄

唐崔禹傳開元二十五年權倖撰党撫八分書

唐扶陽郡太君韋夫人碑開元二十五年韓休撰八分書姓名殘缺

唐萬迴神跡記開元二十五年徐彥伯撰史惟則八分書

唐傅菩薩戒頌開元二十五年楊仲昌撰沙門溫右行書

唐懷道律師碑開元二十五年李邕撰并行書

唐玄覽律師碑開元二十五年徐安貞撰褚庭誨正書

唐智遠律師塔銘開元二十五年啖彥珍撰陳瓌行書

唐真定令杜府君遺愛頌開元二十五年李琚撰并行書

唐八馬坊碑開元二十五年郝昂撰韋崇訓行書

右唐八馬坊碑郝昂撰開元之治盛矣蓋牧之制其

詳如此錄之可以見當時之制焉金石錄

唐大行禪師義訓開元二十五年何榮光行書

唐許王素節碑開元二十六年李邕撰孫蕪國公隨行書

唐張嘉貞後碑開元二十六年李邕撰蔡有鄰八分書

唐實諦寺碑開元二十六年撰人姓名殘缺蘇靈芝

唐明皇誠牧宰勅開元二十六年八分書無書撰人姓名

唐洛陽縣食堂記開元二十六年裴摠述韓擇木八分書

唐益川大千秋觀碑

開元二十六年李邕撰管卿行書

唐任城縣橋亭記

開元二十六年游芳撰王子言八分書

唐定進巖碑

開元二十六年嚴浚撰蔡有鄰八分書

唐濟源令李進遺愛頌

梁涉撰徐浩正書貞元重修碑記高從規撰高從彥正書

唐立後周尉遲迴廟頌

開元二十六年孫士良撰蔡有鄰八分書

尉遲迴碑成伯璵撰世以蔡有鄰書特貴其叙迴事與周史畧同然迴之死節不得顯方周之興迴已爲蜀國公矣隋公總政天下冤憤鬱結不得其死宜其出靈響以自見也□說自迴之死而相州都督死者前後相繼張嘉祐旣治事夜整冠危坐迴自西廡出

謂其遺骸尚存願得畢葬前牧守驚悸逝非所害也

指其女子曰同瘞於此明日嘉祐發得改葬旣夕出謝

嘉祐以聞請置廟歲時血食今考周紀韋孝寬旣平

鄴城則移相州守安陽至於碑則謂武德中朝制改

葬逮開元丁丑張嘉祐問俗郡言多崇公曰蜀國公

獨爲純臣闕修殷薦其取戾宜哉觀此自是武德改

葬至嘉祐則廟而祀之矣亦不因詔行也廣川書跋

唐江州刺史戴希謙墓誌

開元二十六年從子休琰撰次子嶠八分書

唐述靈記

開元二十七年張嘉祐撰行書無姓名

唐忠武將軍王暕墓誌

開元二十七年行書無書撰人姓名

右唐王暕墓誌云父遂古呈駙馬都尉潁州刺史尚
高安公主高宗大帝之女也按唐書高宗第二女高
安公王下嫁潁州刺史王勗天授中勗爲武后所誅
今此志乃云名遂古唐初人多以字爲名故名字混
淆難考遂古豈非以字行乎金石錄

唐李適之清德頌

開元二十七年蕭誠行書碑陰記
呂巖說撰郭瓘正書

唐易州鐵像頌

開元二十七年王湍撰蘇靈芝行書

唐長孫君夫人李氏墓誌

開元二十七年正書無書
撰人姓名

唐孝經雙石臺碑

開元二十七年楊諫撰劉景廉八
分書

唐太原尹王永墓誌

開元二十七年崔宗三撰并行
書

唐叢臺賦

開元二十七年嚴浚撰蔡有鄰八分書

唐薛僅善政頌

開元二十七年徐季篤文崔黃中行
書

唐淄州開元寺碑

開元二十八年李邕撰并行書

右唐淄州開元寺碑李邕撰并書碑初建於本寺後
人移真郡解敗屋下余爲是州遷千便坐用木爲欄
楯以護之云金石錄

唐內常侍趙泰宗碑

開元二十八年男尚客撰胡秀
八分書

唐幽州刺史元懷景碑

開元二十八年皇甫彬撰正
書無姓名

唐將軍慕容嘉勗墓誌

開元二十八年馮璩撰正書
無姓名

唐牛仙客父祖贈官記

開元二十八年彭果撰褚庭
誨行書

唐吏部尚書楊仲昌碑開元二十八年席豫撰鄔繇

右唐楊仲昌碑席豫撰鄔繇篆仲昌有兩碑其一韓

擇木八分書刻于此碑之陰文皆同仲昌元琰子也

唐書元琰別傳與崔沔所撰元琰碑皆云漢太尉震

十八代孫此碑乃以仲昌為二十代唐世士人譜牒

猶班班可考今元琰仲昌父子碑刻不應其世次不

同如此莫可曉也金石錄

唐太子賓客龐承宗碑開元二十八年蘇頲撰梁昇

唐易州刺史田仁琬德政碑開元二十八年徐安貞

唐郎官石柱記開元二十九年陳九言撰張旭正書

赤驥白縶一駕千里當其披崑崙上羽陵時求其逸

景于逐足下殆無遺蹤矣至于在六轡間和鑿在前

蓋續在後則過君表而舞交衢進退履繩旋曲中規

求其毫釐跌宕無遺恨也長史之書殆盡于此故郎

官既備盡楷法隱約深嚴筋脉結密毫髮不失迺知

楷法之嚴如此夫守法度者至嚴則出乎法度者至

縱世人不知楷法至疑此非長史書者是知騏驥千

里而未嘗知服襄之在法駕也廣川書跋

右唐尚書省郎官石記序右司員外郎陳九言撰張

長史正書歐陽公謂長史以草書知名此字真楷可

愛曾南豐謂其精勁嚴重出于自然如動容周旋中
禮非強爲者元王文定公謂張公得草聖不傳之妙
其真書在唐乃復精絕顏魯公書學氣侔造化楷法
蓋得之于公又謂其字體似出歐虞自成一家宋龔
明之中吳紀聞云長史蘇人承平時碑在蘇學中堂
之後已漸剝兵火後不復存矣元商德符云石刻
舊在京兆今亡觀明之及商氏之說則此刻在宋元
固已艱得予家所藏本未知其出於蘇學或出京兆
皆不可知但歷年久遠而紙墨完好誠希世物也

琅琳

尚書省郎官石記序陳九言撰張顛書記目開元二
十九年郎官石名氏爲此序張顛草書見於世者其
縱放奇怪近世未有而此序獨楷字精勁嚴重出于
自然如動容周旋中禮非強爲者書一藝耳至于極
者廼能如此其楷字蓋罕見于世則此序猶爲可貴
也

唐安公美政頌開元二十九年撰人姓名殘缺房璘

唐玄元皇帝應現碑開元二十九年八分書無書撰

唐夢真容勅開元二十九年正書無姓名又二碑一

唐石壁寺鐵彌勒像開元二十九年林諤撰房璘妻

唐章仇公修玉局觀碑開元二十九年夏侯銘撰管

唐崇福觀魏尊師碑開元二十九年宋遙撰八分書

唐裴大智碑開元二十九年李邕撰蕭誠行書

唐唐儉碑開元二十九年

右唐儉碑云儉字茂約而唐書列傳云字茂系又云男尚識尚豫章公主而唐書於儉傳云名善識于公主傳云名茂識皆其差謬此碑開元中儉曾孫追立距儉之歿雖已遠然至于名字皆不應有誤金石錄唐候臺記開元二十九年梁德裕撰蘇靈芝之行書唐扶溝令馬光淑頌開元二十九年崔顥撰八分書

唐掖縣令趙公德政頌開元二十九年行書無撰人姓名

唐穎考叔碑開元二十九年劉彙撰卒琚八分書

唐龍門西龕石像銘開元中張九齡撰八分書姓名殘缺

右唐龍門西龕石像銘禮部員外郎張九齡撰今世所有曲江集無此文惜其殘缺不完也金石錄

唐延安縣幽堂碑開元中王元庭撰于經野正書

唐魏文侯廟碑開元中楊仲昌撰田琦八分書

唐述聖頌開元中達奚珣撰序呂向銘并正書

唐金仙長公主碑開元中徐嶠之撰明皇行書

右唐金仙長公主碑徐嶠之撰明皇御書據唐書本

傳云大極元年與玉真公主皆爲道士而碑云丙午
歲度爲道士蓋神龍二年也 金石錄

唐龍興寺淨土院碑 開元中李邕撰韋同八分書

唐雲麾將軍李秀碑 天寶元年李邕撰并行書

右唐李秀碑李邕撰并書碑在幽州按明皇以天寶
三年改年爲載今此碑元年正月立而稱元載何哉

金石錄

李北海書雲麾將軍碑爲第一其融液屈衍紆徐妍
溢一法蘭亭但放筆差增其豪豐體便益其媚如盧
詢下朝風度閑雅縈轡回策儘有蘊藉三郎顧之不

覺歎美雲麾碑刻在長安良鄉縣有拓本遠不如也
今長安碑已亡惜哉 楊慎

唐大照禪師碑 天寶元年盧僎撰史惟則八分書又

唐開元聖像碑 天寶元年陳知溫行書

唐鄂州刺史盧府君碑 天寶元年李邕撰并行書

唐興州司馬王府君碑 天寶元年郭子晉撰趙崇德

唐修東鎮沂山記 天寶元年范正則撰并八分書

唐天台山桐栢觀頌 天寶元年崔尚撰韓擇木八分

右唐天台山桐栢觀碑尚書祠部郎中崔尚撰翰林
學士韓擇木八分書明皇正書題額碑稱司馬鍊師

居此而曰鍊師名承禎一名子微唐書隱逸傳謂司馬承禎字子微則子微非鍊師之名碑誤書耳予昔遊王屋山至陽臺宮宮乃子微修仙之所中有碑上刻睿宗與子微書及送還天台詩一首傳但云睿宗嘗召子微問其術賜寶琴霞帔還之不云有書與詩此則傳之疎脫乎 金薤琳琅

唐兗公頌

天寶元年張之宏撰包文該正書

唐韓賞祭華嶽文

天寶元年韓擇木八分書

唐法現禪師碑

天寶元年李通文撰呂向正書

唐靈巖寺頌

天寶元年李邕撰并行書

唐立漢樊君祠堂碑

天寶二年王利器撰史惟則八分書徐浩篆額

唐讀樊丞相傳詩

鄭昊之撰胡需人分書

唐王真公王受道祥應記

天寶二年蔡瑋撰蕭誠行書

唐襄陽令庫狄履溫頌

天寶三載周擇從撰蕭誠行書

唐嵩陽觀紀聖德頌

天寶三載李林甫撰徐浩八分書

右唐嵩陽觀紀聖德頌天寶中明皇命方士鍊丹于此觀李林甫獻頌稱述功德知天寶之政荒淫敗度而明皇區區方鍊丹以祈長生豈不可笑乎 金石錄

唐香谷渠記

天寶三載撰人姓名缺史惟則書篆

唐靈州都督李琳碑

天寶三載撰人姓名殘缺杜混元八分書

唐真源觀鐘銘

天寶三載明皇撰并八分書

唐資州刺史韋光碑

天寶三載趙良器撰族子若訥八分書

唐文必子賤碑

天寶三載李少康撰李景參正書又碑賈至撰梁耿篆書

唐小魯真人仙解誥

天寶三載魯國清述陳錫正書

唐駙馬都尉豆盧建碑

天寶三載張垆撰韓擇木八分書

右唐豆盧建碑畧云建其先慕容氏前燕枝族也九世祖萇在魏賜姓豆盧氏封北地王按元和姓纂云慕容運孫北地王精人後魏道武賜姓豆盧氏精生醜醜曾孫萇生寧而北史寧傳云寧曾祖勝以燕皇始初歸魏授長樂郡守賜姓焉唐距北朝未遠氏族

書完備士大夫人人能知其得姓之自今碑與北史姓纂所在不同如此皆莫可考

金石錄

唐封孔子弟子詔

天寶三載呂岩說撰記正書

唐陳隱王祠堂記

天寶三載張謂撰八分書

右唐陳隱王祠堂記張謂撰按明皇以尹喜舊宅得靈符遂改元天寶此記云寶符見之二載者天寶二年也其求又云龍會甲申海寇吳令光入臣之歲者據紀年通譜天寶三載歲次甲申蓋天寶二年斬縣令修完祠堂至明年謂始爲記文爾又按唐書帝紀天寶二年十二月海賊吳令光寇永嘉郡明年河南

尹裴敦復晉陵太守劉同昇南海太守劉巨鱗討之
閏月令光伏誅今此記乃云令光入臣而明皇實錄
亦止言敦復等討令光平之不言其伏誅不知唐史
何所據也豈令光既降而殺之歟不然唐史誤矣
錄

唐常覺寺銅鐘銘

天寶四載韋迥撰并八分書

唐宰堵波幢銘

天寶四載劉仲丘撰薛希昌八分書

唐明皇注孝經

天寶四載明皇八分書

唐郇國公碑

天寶四載季子適之撰史惟則篆書

唐北齊范陽令宋君碑

天寶四載郭慎微撰史惟則八分書

唐崔潭龜詩

天寶五載蔡有鄰八分書

右唐崔潭龜詩蔡有鄰小字八分書歐陽公稱之以
謂與三代彝鼎銘無異而元祐間守京兆者取其石
爲柱礎世遂不復傳可惜也

金石錄

唐善才寺大德元祕塔銘

天寶五載楊琦撰張乾護八分書

唐故一切導師碑

天寶五載撰人姓名殘缺沙門智謙行書

唐洪福寺彌勒像碑

天寶五載韓滉撰并正書

唐潁陽觀碑

天寶五載張粲撰史惟則八分書

唐陳畱郡太守徐暉碑

天寶五載李邕撰徐浩行書

唐貪泉銘

天寶五載

唐蒙山祠記

天寶五載李瑗撰上官粲行書

唐孝子尹仁恕旌表闕文

天寶五載行書無姓名

唐尹氏孝德碑

天寶五載張東之撰正書無姓名

唐西河太守杜公遺愛碑

天寶五載書撰人姓名殘

唐貞一先生廟碣

天寶六載衛憑撰薛希昌八分書

右唐貞一先生廟碣貞一先生者司馬承禎也按新

舊唐史及諸書皆云承禎字子微今此碑乃云尊師

諱子微字承禎初莫能曉後因見崔尚所撰天台桐

栢觀碑乃言師名承禎一名子微云

金石錄

唐張尊師碑

天寶六載何思遠撰郭懷漸正書

唐薛氏追贈夫人碑

天寶六載房瑄撰王曾人分書

唐洛祠志

天寶六載行書無書撰人姓名

唐明禪師院石燈臺頌

天寶六載正書無書撰人姓名

唐王四娘塔銘

天寶六載裴炫詞撰張少悌行書

唐潯陽郡司馬程玄封碑

天寶六載邢韶撰徐浩行書

唐開梁公堰頌

天載六載祁順之撰徐浩八分書并篆額碑陰記平致和撰并正書

唐太一寺功德頌

天寶六載裴炫撰八分書

唐顏惟貞碑

天寶六載陸據撰蔡有鄰八分書

唐林慮縣記

天寶六載正書無書撰人姓名

唐北海太守竇誠盈碑

天寶七載徐浩撰并八分書題額李遇正書

唐尊勝陀羅尼經

天寶七載正書無書撰人姓名

唐濟源令房公遺愛頌

天寶七載平洌撰徐浩行書

唐安天下碑陰

天寶七載人分書

唐度人經

天寶七載人分書無姓名

唐乘真禪師碑

天寶七載王雄風撰胡霈然行書

唐百家巖寺記

天寶七載崔禹錫撰劉軫行書又一碑崔倚正書

唐太子司議郎王元碑

天寶七載李華撰朱璨八分書

唐任丘縣令王公清德碑

天寶八載傅衡芝文崔倚正書

唐陽城郡太守趙公奭碑

天寶八載馮用之撰韓擇木八分書衛包篆額

唐郭先生碑

天寶八載李造撰徐浩行書

唐徐嶠之碑

天寶八載李邕撰季子浩正書

唐美原縣夫子廟碑

天寶八載王岩撰并行書

唐少林寺靈運禪師塔碑

天寶九載崔琪撰無書人姓名

右唐少林寺靈運禪師碑試大理評事崔琪撰會善

寺沙門行書而缺其名予向遊少林愛其中碑刻時

值大雪命人搨之此其一也

金薤琳琅

唐華嶽碑堂修飾記

天寶九載衛包撰并正書

唐金天王廟靈異迹

天寶九載衛包撰并正書

唐鄭預注心經

天寶九載正書無姓名

唐靈臺觀金錄齋頌

天寶九載衛包撰并篆書

唐靈臺觀修三方功德頌 天寶九載衛包撰并篆書

唐華嶽廟古松詩 衛包撰并篆書

唐陳隱王祠碣 天寶九載衛憲撰八分書無姓名

唐尊勝石幢銘 天寶九載崔恁撰王士則八分書

唐陳留尉劉飛造像記 天寶九載史惟則八分書

右唐陳留尉劉飛造像記史惟則小書八分書按封

演聞見記云玄宗常幸驪山登朝元閣命羣臣賦詩

正字劉飛詩最清拔特蒙激賞右相李林甫怒飛不

先呈已出為一尉而卒士子冤之今此記有云頃校

文金殿賡歌柏梁叨沐錦衣之賜遂有長沙之役又

云聖恩廣被移官大梁如此則演所記為不誣矣記

在洛陽龍門山字畫甚工而世頗罕傳 金石錄

唐瑤臺寺勅 天寶九載人分書無姓名

唐陳太丘祖德碑 天寶九載系孫兼撰序任撰銘任子庸書

唐內侍陳文叔碑 天寶九載李邕撰劉秦行書

唐西河太守劉寂德政頌 天寶九載孫宰撰鄔彤行書

唐開元寺淨土堂碑 天寶九載張鼎撰吳郁行書

唐安鄉郡開元寺臥禪師淨土堂碑銘監察御史張

鼎撰雍縣尉吳郁書天寶九載庚寅立稱臥禪俗姓

辛氏名順忠隴西狄道人隴右按察使崔昇進奏往

河南開元寺石脅而臥諸漏已無開元中詔隴右節度使張守珪為就寺造淨土堂故為銘自河隴沒於羗夷州縣城郭官寺民廬莫不毀廢唯佛寺與碑銘文字載佛寺者往往多在世皆以為四方幽遠殊類異俗不知禮義出於天性故夷之然其於佛皆知信慕以其有罪福報應之說予以謂四夷雖咨睢甚者及曉之以曲直是非悅且從也固不可謂其天性無欲善之端是以虞夏之世東漸于海西被于流沙朔南暨聲教則能令其言慕者亦非特有佛而已也彼以罪福報應之說動之未若不動之以利害而使

之心化此先王之德所以為盛也

唐隸王墓誌

天寶十載王齊同撰韓擇木人分書

右唐隸王琰墓誌按唐史琰生獸魅囚于鷹狗坊以憂卒而誌云終于咸寧縣興寧里十六王之藩邸史云寶應元年詔復琰王爵而誌云存王削官蓋琰初未嘗奪王爵疑寶應詔書特還其官爾

金石錄

唐康琤誥

天寶十載徐浩行書

唐七祖堂碑

天寶十載陳章甫撰胡霈然行書

唐明禪師碑

天寶十載鄭昞之撰徐浩正書

唐今城寺放生池碑

天寶十載八分書書撰人姓名殘缺

右唐金城寺放生池碑書撰人姓名皆已殘缺據田
槩京兆金石錄以為韓擇木書豈當槩為錄時尚完
好可讀乎其字畫奇偉非擇木不能為也金石錄

唐淄州郡述德記并詩序天寶十載崔器撰

唐張君神碑天寶十載王靈岳撰序宋昱銘李史與正書

唐新安郡太守張公碑天寶十載韋述撰徐浩正書史惟則篆

唐多寶塔感應碑天寶十一載岑勛撰顏真卿正書

右唐多寶塔感應碑岑勛撰顏真卿書多寶塔者僧
楚金所造楚金嘗為法華經千餘部寘塔中今猶有
存者余於士大夫家數見之余亦得其一卷乃乾元

二年肅宗所造卷首佛像絹素畫蹟尚如新也金石錄

右千福寺多寶塔碑顏公之書多矣惟此碑盛傳人

間歐陽公作集古錄跋尾而此獨見遺惟趙氏金石

錄有之謂多寶塔者僧楚金所造楚金嘗寫法華經

千餘部寘塔中趙氏復謂於士大夫家數見之則楚

金之書至宋猶有存者碑今在陝西西安府學金薤琳琅

文辭翰墨於儒者為餘事然非天分之高學力之積

不能造其極兼乎兩美者固難其人而父子相承能

擅其工者世亦不可多見也國朝之初翰林學士承

旨潛溪公以文辭發道德之奧而介子中書舍人仲

珩善書名當時凡海內求文於公者必謁仲珩書之
薦紳以爲美談不幸仲珩亡公亦相繼即世十餘年
來士之欲昭幽行而紀偉績者無所於歸仲珩之子
懌奉母居蜀思紹父學殿下至國聞而閔之以爲名
臣之子孫也時賜粟帛賜其家撫勞教育者甚至由
是懌得專於學其書益工洪武二十七年四月二十
七日殿下講學于齋宮左長史臣南賓侍坐臣孝孺
亦預在席有教曰宋懌書法可嘉其以顏魯公多塔
寶碑賜之仍手書賜宋懌三字於篇首臣既持以付
懌且告之曰士爲衆人之子孫也易而爲名人之子

孫也難蓋以德業隆厚非厲術志篤學則不易紹乎
前美也今殿下仰思前正而施恩於懌可謂盛矣懌
尚日孳孳因藝以進乎學因學以紹父祖之聲猷以
報殿下之寵望則善爲人臣子矣孝孺嘗受學于潛
溪公固不敢不勉以辱公門而所望於懌者非止能
書而已也詩曰高山仰止景行行止懌也其可忽諸

宋盞
坡

唐曹溪能大師碑

天寶十一載宋泉撰史惟則八分
書

唐玄隱律師塔銘

天寶十一載徐浩撰并正書

唐工部尚書郭虛已碑

天寶十一載顏真卿撰并正
書

唐河南府叅軍郭揆碑

天寶十一載顏真卿撰并正書

唐東光縣主碑

天寶十一載李華撰徐浩八分書

唐榮陽王妃朱氏墓誌

天寶十一載洪孝偉撰韓擇木正書

右唐朱氏墓誌韓擇木正書擇木以八分名家石刻

存者尚多而此誌獨為正書筆法清勁可愛擇木正書見于世者惟此耳

唐大智禪師碑

天寶十一載嚴浚撰胡霈然集王右軍書

唐鉅鹿郡夫人魏氏墓誌

天寶十一載李楨撰薛邕人分書

唐明皇賜道士蔡守冲詩

天寶十一載并謝表批荅俱行書

唐明皇賜上黨故吏勅書

天寶十一載

唐杜夫人碑

天寶十一載翟通撰徐浩正書

唐處子瑗墓誌

天寶十一載行書無書撰人姓名

唐瑤臺寺大德碑

天寶十一載撰人姓名殘缺

唐四禪寺萬菩薩像記

天寶十一載趙子餘撰林混

唐武部尚書楊珣碑

天寶十二載明皇撰并八分書

右唐楊珣碑按唐史宰相世系表以珣為友諒子今碑乃云志謙子疑史誤珣楊國忠父也故玄宗親為製碑其末盛稱國忠之美云我有社稷爾能衛之我有廊廟爾能宰之叶和九功九功惟序平章百姓百姓昭明其語豈所謂臨亂之主各賢其臣者乎碑天

寶十二載建蓋後二年祿山起兵又一年國忠被戮矣金石錄

唐治浦橋記天寶十二載蔡希綜撰并行書

唐上黨啓聖宮頌天寶十二載明皇撰并八分書

唐長孫公崔夫人墓誌天寶十二載行書無書撰人姓名

唐哥舒翰等造阿彌陀經天寶十二載正書無姓名

唐宇文顥山陰述天寶十三載竇公衡撰史懷則八分書

右唐宇文顥山陰述社陵史懷則書懷則與史惟則同時必其兄弟也惟則以八分著名懷則之書蓋不減惟則而初不見稱于當時者豈非位不顯乎以此

知士有幸不幸也金石錄

唐贈文部郎中薛悌碑天寶十三載蘇預撰徐浩八分書

唐栖霞山亭記天寶十三載史翊撰韓軫八分書

唐立巫馬期碑天寶十三載賈賁撰韓軫八分書

唐西楚霸王祠堂頌天寶十三載賀蘭晉明撰賀蘭誠書

唐摹東方畫贊天寶十三載夏侯湛撰顏真卿正書碑陰記真卿撰并正書

東方曼倩畫贊昔魯公守平原時書今其石頑剝後世復為摹搨以傳然魯公於書其神明煥發正在筆畫外若卷朱墨而印於石者此待詔書耳果有道耶

廣川書跋

右唐人所摹東方朔畫像贊圭角混融而光精燁然
非深知晉人筆法者不能予在中祕獲觀褚登善鈞
揚黃庭經與此正同雖紙墨亦不殊信可寶也宋奎
唐資州刺史裴仲將碑天寶十三載陸據撰徐浩八
唐永陽郡太守姚弈碑天寶十三載達奚珣撰徐浩
右唐姚弈碑弈崇子也新唐史云崇謚文獻而此碑
及張說所撰崇碑皆云謚文貞蓋崇父懿已謚文獻
父子罕有同謚者當以碑為証金石錄
唐苗公歸鄉記天寶十四載撰人姓名殘缺胡需然
唐淮陰太守趙悅遺愛碑天寶十四載撰人姓名碑陰記王昕撰

唐蘇源明正德表

天寶十四載無撰人周良弼八分

唐玄儼律師碑

天寶十五載萬齊融撰徐浩行書

唐壽張令劉公仁政頌

天寶十五載無撰人姓名周

唐李峯途經劔門詩

天寶十五載程昂正書

唐雲門山投龍詩

天寶中趙居貞撰行書

右唐雲門山投龍詩北海太守趙居貞撰序言天寶
玄默歲下元日居貞投金龍環壁于此山有瑞雪出
千洞中有聲云皇帝壽一萬一千一百歲蓋天寶中
玄宗方崇尚道家之說以祈長年故當時諂諛矯妄
之徒皆稱述竒恠以阿其所好而居貞遂刻之金石

以重欺來世可謂愚矣 金石錄

唐明皇注金剛經 八分書無姓名

唐石經藏贊 天寶中蔡有鄰等八分并正書

唐襄陽令盧君德政碑 天寶中閻寬文史惟則八分書

唐襄州牧獨孤丹遺愛頌 天寶中李邕撰蕭誠行書

唐鵲鴿頌 天寶中明皇撰并行書

唐明皇上黨宮宴羣臣故老詩 天寶中行書

唐明皇謁玄元廟詩 天寶中行書

唐觀世音像碑 天寶中陶翰撰徐浩正書

唐達奚珣遊濟瀆記 天寶中珣自撰薛希昌八分書

右遊濟瀆記唐吏部侍郎達奚珣撰兵曹參軍薛希昌八分書濟瀆在今河南濟源縣西三里歲癸酉仲冬予亦嘗獲遊瀆有祠以祀大濟之神其殿北復有北海神殿北海之前有池周七百步其西一池周與之等而中通焉即濟水所聚蓋其源自王屋山天壇之顛伏流百里至此復見東南合流至溫縣歷虢公臺入於河禹貢所謂導汎水東流爲濟是也東池俗傳間能出物以應人之求然率始于三月至四月望而止餘月則否蓋春夏之交泉脉騰沸而濟尤勁疾物隨沸而上人或取須臾復沈予之遊也默禱於

神願出物以彰靈異道士云隆寒水泉不動物不能
上予笑曰豈有靈神而畏寒者乎爾姑爲我禱久之
物竟不能出道士之言始信而世俗所云皆誕妄也

金薤
琳琅

心經 天寶

此草書心經刻之長安中云右軍書非也雖道逸而
踈縱不入格不中懷素作奴况右軍乎見唐文粹乃
駙馬都尉鄭萬鈞書張說有序萬鈞尚睿宗女代國
公主字華婉者也於書家不甚琅琅宜其然 王世貞

唐李邕書

右李邕永康帖米芾家故物也上有親跡等印具在
芾以摹本刻之甚爲寶惜而此真本其子友仁紹興
中進之藏之秘府今卷首唐李邕永康帖六字高宗
御書也宋亡歸于元國初流落于鳳陽某家洪武庚
午余里人侯成章得之歿後余兄簡約購得以爲解
氏之寶好事者可以一覽而足兼有裝潢題識其左
右皆爲人褫去蓋售其偽此真者正不須也 解縉

古今法書苑卷之七十

吳郡王世貞元美甫編 雲間王乾昌伯元甫校

十三之石 十六

唐烏程令韋君德政碑 至德二載沈務本撰沈仲仁正書

唐金天王廟題名 乾元元年顏真卿題記

唐忘歸臺銘 乾元二年李陽水撰并篆書

右唐忘歸臺銘集古錄云此銘及孔子廟城隍神記三碑竝在縉雲其篆刻比陽永平生所篆最細瘦世言此石皆活歲久稍坐刻處幾合故細也恐無是理若果爾更加以歲月則遂無復有字矣此數碑皆陽

永在肅宗朝所書是時年尚少故字畫差踈瘦至大曆以後諸碑皆莫年所篆筆法愈淳勁理應如此也

金石錄

唐鄔彤書金剛經 乾元二年行書

唐尊勝經 乾元二年序沈洽撰鄔彤行書

唐顏魯公祭伯父濠州刺史文 乾元二年真卿撰并

唐金天王題名 乾元二年顏真卿正書

唐南叟訓 乾元二年初順之撰皇三從姪延宥正書

唐五原太守郭英奇碑 乾元二年蘇頌撰銘顧誠著

唐任城尉韋公惠愛記 乾元二年苗藏諸撰正書無

唐城隍神祠記 乾元二年李陽水撰并篆書

唐贈鴻臚卿魯仲瑜墓誌 乾元二年顏裴撰姚甫仲

唐鄭陳節度使彭元曜墓誌 乾元二年李潮撰并八

唐顏魯公祭姪李明文 乾元三年

峻拔一角潛虛半股分若抵背合如並目以側映斜以斜附曲此書法之體裁也魯公於書其過人處正在法度備存而端勁莊持望之知為盛德君子嘗問懷素折釵股何如屋漏水曰老賊盡之矣前人于其隱處亦自矜持不以告人造微者然後得之此二體又在八法六體外迺知書一技而其法之衆至此公

祭猶子文殆兼存此體者也 廣川書跋

唐岑先生銘 乾元三年嚴汲撰正書無姓名

唐蘄州刺史杜敏生祠頌 乾元三年張粲撰史惟則

唐楚州修城記 上元元年范昭撰鄭亨正書

唐縉雲縣孔子廟記 上元元年李陽冰撰并篆書

唐王公城河中頌 二元元年陳翊撰盧耿正書

唐梁思楚碑 上元元年郭蕭撰思楚集王右軍書

唐渭南令路公遺愛表 上元二年蘇源明撰行書

右唐路公遺愛表蘇源明撰新唐史列傳云路嗣恭

字懿範今此表乃云公名嗣恭字嗣恭然則唐史以

為字懿範者不知何所據也 金石錄

唐工部尚書來曜碑 上元二年張鎬撰序蕭昕撰銘

唐王粲石井欄記 上元二年甄濟文彭朝謙行書又

書

唐呂裡祠廟碑 上元二年衛密撰顧戒奢八分書

右唐呂裡祠廟碑衛密撰云上元紀歲之明年詔始

置南都以荊州為江陵府命長史曰尹按元結所撰

呂公表與肅宗實錄皆云上元元年九月改荊州為

南都獨此碑以為二年改恐誤 金石錄

唐贈太保郭敬之碑 元年苗晉卿撰蕭華正書

唐山谷寺璨大師碑

元年房瑁撰徐浩八分書

唐呂公表

元年元結撰顧誠奢八分書

右唐呂公表元結撰前太子文學翰林院待詔顧誠奢書杜甫集有贈顧八分文學詩即誠奢也誠奢八分不多見予所得者衛密撰呂公廟碑并此表郭英奇郭慎微碑為四耳甫詩稱其最工小字而此表字畫甚大尤壯偉可喜按唐書帝紀及宰相表皆云乾元二年七月辛卯諱以母喪罷十月起復上元元年五月壬子復罷為太子賓客今此表乃云乾元二年六月丁內憂上元元年七月復罷相月日小不同未

知孰是

金石錄

唐玉真公主墓誌

元年王緝撰姪祭書

右唐玉真公主墓誌王緝撰誌云公主法號無上真字玄玄天寶中更賜號曰持盈而唐史但言字持盈爾誌又云中宗時封昌興縣主睿宗時封昌興公主後改封玉真進為長公主唐史但云封崇昌縣主而以昌興為崇昌者皆其闕誤誌又云元年建辰月卒而史以為卒于寶應中亦非也

金石錄

唐離堆記

寶應元年顏真卿撰并正書

唐顏惟貞并殷夫人贈告

寶應元年子真卿正書

唐臧尚書碑廣德元年

右唐臧尚書墓碑顏魯公撰并正書尚書墓在陝西之三原縣顏公此刻人間少傳予向以使事道陝得之尚書七子希崇希旭希忱希愔希景希晏希讓皆為顯官而希讓至魯國公顏公文集復有臧氏糾宗碑書七子官爵與此不同金薤琳琅

唐鳳翔李梁公遺愛頌廣德二年房瑄撰韓擇木八分書

唐贈太保郭敬之廟碑廣德二年顏真卿撰并正書

唐太尉李光弼碑廣德二年顏真卿撰張少悌行書

唐澤潞李抱王紀功碑廣德二年元載撰史惟則八分書碑陰記王志安撰男自

正正書

唐滑臺銘永泰元年李季卿撰令狐彰行書

唐宋武受命壇記永泰元年張謂撰陸淙八分書竇蒙篆

唐黃鶴樓記永泰元年閻伯瑾撰魏萬程行書李陽水篆

唐長明燈頌永泰元年邵真撰王世則行書

唐怡亭銘永泰元年裴虬撰李莒八分書李陽永篆

唐顏魯公東林題名永泰元年正書

唐顏魯公西林題名永泰元年正書

唐吏部侍郎鄭嬰齊碑永泰元年張楚金撰史惟則八分書

唐富平尉韋器墓誌永泰二年趙早撰吳通微正書

唐鄂州長史游浦碑永泰二年八分書書撰人姓名

唐容亭銘永泰二年元結撰瞿令問篆書

唐令暉令皎二禪師塔銘大曆元年趙基撰并正書

唐永泰寺鐘銘大曆元年崔巨撰房集書

唐淮南節度使崔元頌德碑大曆二年李華撰張從申正書

唐京兆尹鮮于仲通碑大曆二年顏真卿撰并正書

右唐鮮于仲通碑顏真卿撰并書仲通以多財結楊

國忠薦為劍南節度使討南詔蠻大敗國忠為諱之

再薦為京兆尹其始卒無他可稱見于史者惟嘗表

請國忠兼領劍南節制及為國忠立碑頌功德耳魯

公為此碑稱述甚盛以此知碑志所載是非褒貶杲

不可信雖魯公猶耳况他人乎明皇實錄稱仲通以

漏禁中語貶邵陽司馬而碑言為國忠所忌貶小人

之交初以利合卒以利敗理固然也金石錄

唐絳州刺史李公德政碑大曆二年崔巨撰劉鈞八分書

唐洛臺銘大曆二年元結撰篆書無姓名

唐左驍衛將軍郭英傑碑大曆二年徐浩撰張芬正書

唐亳州刺史劉環碑大曆二年路巖撰李著八分書并篆

唐新築隴州城記大曆二年邵說撰史惟則八分書

唐惠義寺彌勒像碑大曆二年韓俶撰李潮八分書

右唐惠義寺彌勒像碑李潮八分書潮書初不見重
子當時獨杜甫詩盛稱之以比蔡有鄰韓擇水今石
刻在者絕少惟此碑與彭元曜墓誌爾余皆得之其
筆法亦不絕工非韓蔡比也 金石錄

唐嚴浚碑 大曆二年席豫撰徐浩行書

右唐嚴浚碑徐浩書題禮部尚書襄陽縣開國子席
某撰而其名殘缺不可辨按天寶中席豫嘗為此官
而碑未有云豫平生交好知其為席豫撰也唐書列
傳云浚華州華陰人而碑言馮翊臨晉人碑文字剥
落所存無幾惟其首大字十二尚完好筆法奇偉可

愛云 金石錄

唐李氏移先塋碑 大曆二年李季卿撰李陽水篆書

唐李氏三墳記 大曆二年李季卿撰李陽水篆書

唐郭英乂碑 大曆三年元載撰史惟則八分書

右唐郭英乂碑元載撰按唐書百官志開元中增集
賢待制官至永泰時勳臣罷節制無職事皆待制于
集賢門凡十三人今此碑載英乂永泰九年實領此
職予觀韋述所撰集賢注記開元天寶間凡隸名于
集賢者皆一時文學之選蓋官以待制為名所以備
人主顧問言語侍從之臣也今乃以武夫庸人參于

其間可乎代宗之政其紀綱廢弛者多矣豈特此而已哉 金石錄

唐沛縣令于默成碑 大曆三年子休烈撰劉單銘史

唐魏少游碑 大曆三年徐浩撰并行書

唐邠寧馬璘德政碑 大曆三年韓雲卿撰張少悌行書

唐河橋城樓記 大曆三年張勛撰李著八分書

唐瀆祠碑 大曆三年王延昌撰趙復行書

唐潘孝子頌 大曆三年崔稱撰屈突寘八分書

右唐潘孝子頌崔稱撰孝子字季通與其父良瑗相繼有至行親喪皆廬墓大曆中宣慰使李季卿以聞

有詔褒美墳隴在今中牟縣祥符中章聖皇帝西祀

汾陰過之詔有司封其墓且禁樵採云 金石錄

唐禹廟碑 大曆三年崔巨撰段季展行書

唐涼國夫人李氏碑 大曆三年韓雲卿撰史惟則人

右唐涼國夫人李氏碑李郭子儀夫人也碑韓雲卿

撰史惟則八分書并篆額文詞頗簡古而字畫工妙

可喜或云碑今亡矣故世罕傳雲卿乃退之叔父科

斗書俊記所謂大曆中以文詞獨行中朝者 金石錄

唐萬年縣令徐昕碑 大曆四年韓雲卿撰韓擇木八

右唐徐昕碑韓雲卿撰碑云昕為并州錄事參軍相

國姚元之為法曹管部人部人誣上反狀天后臨朝
方獄刑成詔公先假風憲然後按詰公表直元之則
天大怒將貶鼎鑊終能犯顏曉辨正刑而出果如雲
卿所書所可謂賢矣而唐史不載其事因為錄之
者有功從弟其忠厚之性固宜異于他人也
唐大澄禪師碑 大曆四年王緝撰徐浩行書
唐富平尉顏喬卿碣 大曆四年弟真卿撰并正書
右唐顏喬卿碣在長安世頗罕傳或云其石今亡矣
有朝士劉繹如者汝陽人家藏漢唐石刻四百卷以
余集錄闕此碣也輟以見贈宣和癸卯中秋在東萊

重易裝標因為識之 金石錄

唐徐州副元帥廳街記 大曆四年儼撰 蘇良童正

唐王延昌碑 大曆四年邵說撰徐浩八分書

唐雙廟記 大曆四年齊嵩撰杜勸正書

唐贈揚州都督段府君碑 大曆四年楊炎撰蕭正正書

唐立晉太尉却公祠廟記 大曆四年十一代孫昂撰郭昇行書

唐左武衛中郎將臧右沈碑 大曆四年韓擇木撰并八分書

唐崇徽公主手痕碑 大曆四年李山甫等正書

右唐汾州靈石蓋唐僕固懷恩女懷恩唐功臣以嫌
精叛入回鶻沒其家入後宮大曆四年以回紇語媾

封為崇徽公主下降可汗以兵部侍郎李涵往册命
唐都關中其入回紇道至汾士此其常也然託掌石
壁遂以傳後豈憤然之氣盤結於中而不得發遇金
石而開者耶廣川書跋

唐左僕射裴冕墓誌

大曆五年程浩撰并正書又碑元載撰吳通徽正書

唐贈梁州都督徐秀碑

大曆五年顏真卿撰韓擇木分書李陽水篆額

唐麗正學士殷殘猷碑

大曆五年顏真卿撰并正書

唐大斌令殷攝碑

大曆五年顏真卿撰并正書

唐龔丘令庾公德政碑

大曆五年陽冰撰并篆書

唐麻姑仙壇記

大曆六年顏真卿撰并正書

右唐麻姑仙壇記顏魯公撰并書在撫州又有一本
字絕小世亦以為魯公書驗其筆法殊不類故正字
陳無已謂余嘗見黃魯直言乃慶曆中一學佛者所
書魯直猶能道其姓名無已不能記也小字本今錄
于後使覽者諒其真偽云金石錄

右唐小字麻姑壇記顏真卿撰并書在今江西南城
縣之麻姑山歐陽公謂或者疑其非真而復以為筆
畫有法非魯公不能書也趙明誠謂陳無已嘗見黃
魯直言此乃慶曆中一學佛者所書魯直能道其名
及觀陸放翁云魯公麻姑壇記有大小二本蓋用羊

叔子峴山故事通志金石畧載魯公書亦有小字麻姑壇記則歐陽公之疑與魯直之言又似不足信元柳待制道傳云麻姑壇碑小字楷法尤精緊比聞舊石焚毀山中雖重刻無復當時筆意則亦以小字為顏書但謂石已不存非也吳文正公云脉姑碑在吾鄉舊為雷所破重刻至再字體浸失其真則被焚者乃臨川大字本而南城之石至今固無恙也

金薤琳琅

唐中興頌

大曆六年元結撰顏真卿正書

中興頌刻永州浯溪上斲崖石書之刺史元結撰結自以老子文學故頌國之中興頌成乞書顏太師太

師以書名此尤瑰瑋故世貴之今數百年辭封葢固遠望雲烟外至者仰而翫之亦天下之偉觀耶嘗謂唐之文敝極矣結以古學為天下倡首交擢蓬父奮然拔出數百年外嘗曰山蒼然一形水冷然一色大抵以簡潔為主余謂唐之古文自結始至愈而後大成也

廣川書跋

唐李廌子新泉銘

大曆六年李陽冰撰并篆書

唐李陽冰瑯琊泉題名

大曆六年篆書

唐義并記

大曆六年邵真撰王佑書

唐再修信行禪師塔碑

大曆六年于益撰張楚昭行

唐石堂銘

大曆六年元結撰篆書無姓名

唐特進梁公碑

大曆六年王修然撰王執行書

唐呂府君勅葬碑

大曆六年命伯儒八分書

右唐呂府君勅葬碑呂府君者名惠恭僧大濟之父
代宗廟元載王縉用事宗尚浮圖之法大濟為帝嘗
修功德使殿中監故褒贈其父為兗州刺史官為營
辦葬事爵賞之濫一至于此金石錄

唐楊仲昌後碑

大曆六年韓擇木八分書

唐高陵令李峴遺愛頌

太曆六年蘇端撰張潭行書

右唐李峴遺愛頌峴任高陵縣令後為宰相以歿歿

後縣令蘇端刻此頌馬碑云曾祖恪封吳王祖琨嗣
吳王父韓信安郡王元和姓纂所載亦同而唐書列
傳以為恪之孫誤矣金石錄

唐慈恩寺常住莊地碑

大曆六年顏真卿撰韓擇木
八分書代宗篆額

唐顏含大宗碑

大曆六年顏真卿撰并正書

唐玄靖李先生碑

大曆六年金石錄云柳識撰張從
申行書李陽冰篆又云先生姓張

右唐玄靖李先生碑顏魯公撰并正書碑稱隱居先
先以三洞真法傳升玄先生升玄付體玄先生體玄
付正一先生正一付先生自先生距隱居凡五葉矣
今攷之隱居先生者梁陶弘景升玄為王遠知體玄

為潘師正正一為司馬子微三人唐書有傳惟玄靖
無之予嘗遊茅山至玉晨觀其前有雷平池池南為
伏龍岡玄靖葬其上碑今在觀中四周皆刻文字道
士以亭覆之 金薤琳琅

唐重建顏含碑

大曆七年晉李闡傳曾孫延之銘十四代孫真卿正書

唐桂州都督程元英碑

大曆七年李邕撰張延邦八分書

唐項王碑陰述

大曆七年顏真卿撰并正書

唐廣德禪師碑

大曆七年杜鴻漸撰徐浩正書

唐宰相宋璟碑

大曆七年顏真卿撰并正書

右唐宋璟碑顏真卿撰并書唐書載廣平六子曰昇

尚渾恕華衡今此碑言公有七子曰復昇尚渾恕延
華衡乃八子也魯公所撰廣平碑側記亦曰公之第
八子衡謫官沙州蓋廣平實有八子唐書闕復延二
人而此碑魯公誤書八字為七爾又碑云廣平自吏
部侍郎兼攝尚書左丞而史不載後自楚州刺史歷
魏兗冀三州兼河北按察使遷幽州都督復為魏州
而史但言歷兗冀二州刺史河北按察使進幽州都
督而已史又載廣平為廣州都督時郡人為璟立遺
愛頌璟上疏辭讓有詔許停而碑乃云燕公張說嘗
為碑頌今燕公集中實有此文豈已為文而未嘗刻

石與金石錄

唐謝公碑陰記 大曆七年行書無書篆人姓名

唐聰明山神記 大曆七年張造撰正書無姓名

唐般若臺銘 大曆七年李陽水篆

唐八關齋會記 大曆十年顏真卿撰并書崔倬補書

唐徐浩寶林寺詩 大曆八年

李邦彥出會稽寶林寺詩黃庭堅書其後曰法士多

環能奴來 迺是僧為鰲爾孤岫龜形在謂山有穴而

特不可謂山予評此詩未有工處特以書貴李海書

名唐世而此石迺公平生書不得不尚如高閣無恢

崑迺詩人會意誤處黃子扶而警之是一快事謂環

能孤岫不害於詩黃子求人已細張子曰因進非衰

表賢選能奴來 馮相觀禳祈禳攘災古人已如此音

況能有所合謂之能自有據耶爾雅曰山有穴岫不

必謂如神瀆凡山有竅可穿者皆是故謝康樂言窓

間列遠岫玄暉言雲表吳岫徹杜甫言自多窮岫雨

韓愈言點點露細岫豈盡失也若白居易言岫合雲

初吐則不可謂山聳而出者世人多託人見聞已為

已是黃子說嘗勝人亦未深考余不得不辨廣川

唐徐浩開河碑 大曆八年

昔蔡邕授法于神人傳于崔瑗瑗傳之文姬文姬傳之鍾繇鍾繇傳之衛夫人夫人傳之逸少自此而下各有師授逮于張旭其書分派蔡有鄰法為篆顏清臣徐季海守舊法而真行盡于古之作者至韋玩崔邈授其法而絕矣考其源流正如禪家宗風相承各有主也開河碑令狐綯文字季海所書書法該備而尤妙他石知其法度所從來遠矣廣川書跋

唐令狐公開河碑

大曆八年元載撰徐浩行書并篆額

唐黃公石祠記

大曆八年李卓撰八分書姓名殘缺

唐徐偃王廟碑

大曆八年徐安貞撰張宙正書碑陰記張宙撰并八分書

唐法慎律師碑

大曆八年李華撰張從甲行書

張從申書其原出於王大令筆意與李北海同科故名重一時書苑云從申結字縝密近古未有弟從師從義從約竝工書皆得右軍風規時人謂之四龍書賦云張氏四龍名揚海內厥有季弟工夫少對右軍風規下筆斯在季謂從申也又云從申近古所無恨予聞見不多右軍之外一步不窺予觀從申雖學右軍其原出于大令筆意與李北海同科名重一時宜不虛得但所短者抑揚低昂大過又真不及行耳然唐人而有晉韻殊可佳尚近世歐陽文忠為集古錄

而雅不愛從申書故此碑見棄而特錄其篆首至其書王師乾碑以見稱于秦玠故聊存焉信于真賞之難值也既云從申有弟三人又云季諱從申不可曉

唐司命真君碑大曆八年揚琚撰并行書徐浩八分書題額

唐鏡智禪師碑大曆八年獨孤及撰張從申行書李陽水篆

唐文宣王廟新三門記大曆八年裴孝智撰裴平人分書并篆

唐明州刺史裴公紀德碣大曆八年王密撰李陽水篆又八分書姓名殘缺

唐堯山神記大曆八年李誕撰王羨行書

唐徐浩題經

題經楷法最密殆于樂毅論得其結字妙處至形密

勢疏字細畫短故當在伯仲間然方而有規圓而藏矩未嘗刊角耀鋒構成觚稜正如大匠掄材斲木就器繩墨既陳潛刃其間求礪削之迹殆不可見况痕瑕節目可得而求之耶季海于此可謂忘情筆墨矣

廣川書跋

唐徐浩先塋題名大曆九年正書

唐于祿字書大曆九年顏元孫撰真卿正書

唐顏魯公真書小字辨別字之正俗顏元孫作石刻在四川潼川州

唐徐浩書

徐季海之書本于其父嶠之所謂四十一幅屏者諸體皆備而草書尤工余頗獲見之至于騰躍奮迅誠怒貌之抉石渴驥之奔泉也世徒見其變化不測如此非可以力致殊不知其一出于真今觀此帖蓋可見矣近代趙魏公筆法多効之誠可寶翫也宋鑿坡唐放生池碑表并肅宗批谷碑顏太師以書自娛晚年嘗載石以行龔而藏之遇事以書隨所在畱其所鐫石監視而考之自公之沒名德雖在人然世豈盡知惟書于石者人得見之故今獨以書名世或謂公以書傳流俗間至野人田老皆

得名之大抵人于其所嗜必傷至其所甚蔽則賤理之必然者也廣川書跋

右唐放生池碑陰記唐自天寶以後紀綱廢壞職官之濫不可勝載此記具列當時僚屬名氏凡團練副使別駕四人同團練副使一人長史三人司馬三人錄事參軍三人司功司倉司兵皆一人司法司戶皆三人司田司士皆二人參軍四人烏程縣令一人丞三人主簿一人尉四人長城縣令一人丞三人主簿一人尉五人安吉縣令一人攝令一人丞二人主簿一人尉六人武康縣令二人丞三人主簿二人尉四

人德清縣令一人丞二人主簿一人尉三人一郡而吏員猥多如此

金石錄

肅宗之放生煦煦小仁無足稱者當時池多至八十餘所而此碑獨以顏魯公辭翰而傳則夫天下之可恃者果在乎尊榮也哉公之書人皆知其為可貴至于正而不拘莊而不險從容法度之中而有閑雅自得之趣非知書者不能識之要非言語所能喻也

宋金

唐滑臺新驛記

大曆九年裴某八分書名缺

右唐滑臺新驛記李勉撰李陽冰篆其陰有銘歐陽

公云不知作者為誰予嘗有之乃舒元興玉筋篆志後贊也其文載于唐文粹及元輿集中歐陽公偶未見之爾

金石錄

新驛記唐李勉撰李陽冰書陽冰在唐以篆學名自秦李斯後號能書者不得伯仲間今世壯碑巨碣尚多有之此碑陰有頌謂斯去千載冰生唐時冰今又去後來者誰後千年有人吾不得知之後千年無人當盡于斯嗚呼郡人為吾寶之歐陽公嘗疑唐相賈耽為之蓋耽愛陽冰書嘗為序其說文字源耽後又為滑州刺史予考其言蓋舒元輿所為玉筋篆志謂

斯去千載永復去矣誰能得之當盡於斯嗚呼至人則與今碑陰或異蓋後人因其文改定以合此記也雖然陽水篆字甚工處不盡於此而刻元輿頌者獨見此碑耳元輿又謂水格峻力猛功備光大于秦斯云 廣川書跋

唐立漢高祖廟頌 大曆十年晉陸機撰郭陶正書

唐贈兵部尚書王忠嗣碑 大曆十年元載撰王縉行書

唐商州刺史歐陽珪碑 大曆十年顏真卿撰并正書

唐恠石銘 大曆十年樊晃撰張從申行書

唐大曆十年具官名氏 李陽水篆

唐右僕射裴遵慶碑 大曆十一年楊綰撰盧曉八分并篆額

右唐裴遵慶碑唐書列傳載遵慶所歷官甚簡略以碑考之其尤著者自吏部郎出為濛陽太守貶符陽郡徵拜禮部郎中而史不載肅宗朝拜給事中累遷尚書右丞兵部戶部侍郎再授史部而史但言為史侍郎而已又史云遵慶薨時年九十餘碑云年八十五碑云遵慶謚貞孝而史無之皆其闕誤也 金石錄

唐張同敬碑 大曆十一年程休撰戴千齡書

唐章仇公夫人魏氏墓誌 大曆十一年李植撰薛邕八分書

唐壽安縣耳棠館記 大曆十一年蕭昕撰史鏞八分書盧璟篆額

唐杜濟墓誌 大曆十二年顏真卿撰并正書

右唐杜濟墓誌但云顏真卿撰而不云書歐陽文忠公以謂非魯公不能為也蓋世頗以為非顏氏書更俟識者辨之予觀此誌字畫奇偉決非他人可到歐陽公信小字麻姑仙壇記以為真蹟而尚疑此誌何哉 金石錄

唐董孝子碣 大曆十二年崔殷撰徐浩行書

唐汝州刺史李深遺愛碑 大曆十二年撰人名缺韓秀弼八分書

唐兗州都督劉好順碑 大曆十二年梁東撰元訥正書盧曉八分題額

唐湖州射堂記 大曆十二年撰人姓名殘缺世傳顏真卿正書

唐李抱玉碑 大曆十二年楊綰撰顏真卿正書

唐鮮于氏里門記 大曆十二年韓雲卿撰韓秀弼八分書

唐慧解寺三門樓讚 大曆十二年李宥撰周勰全行書

唐巴州刺史鮮于昱碑 大曆十二年喬琳撰陶千歲正書

唐台州刺史康希範碑 大曆十二年顏真卿撰并正書

唐懷圓寂上人詩 大曆十二年顏真卿撰并正書

唐僧懷素七帖 大曆十二年

書法相傳至張顛後則魯公得盡于楷懷素得盡于草故魯公謂素以狂繼顛正以素師源流而論之也然旭于草字則度絕繩墨懷素則謹于法度要之二

人皆造其極昔嘗男子以其不可學柳下惠之可素于旭亦然

李丕緒舊藏懷素別本六帖筆力險絕而法度盡應比他書若異蓋古人于用筆時一法不立故衆技隨至而于見空時得無字相此其不落世檢而天度自全也鄔融嘗問素胡不學雨雷痕良久而省又問撥鐙法如何曰如人並乘鐙不相犯腕鋒事密射如何曰不可言也觀其書知此法從來久矣廣川書跋

唐僧懷素洪州詩

懷素似不許右軍得名大過謂漢家聚兵楚無人也

其與阮籍言世無英雄使豎子成名氣亦畧等矣觀李廣射石秦人扑虎皆在氣全未分時使心一改而氣已移雖有勇決剛果何施于用邪懷素氣成乎技者也其視無前而能坐收成功天下至莫與爭勝其氣蓋一世久矣故能致一而終身不衰也廣川書跋

唐僧懷素北亭草筆

懷素於書自言得筆法三昧觀唐人評書謂不減張旭秦雖馳騁繩墨外而回旋進退莫不中節至旭則更無蹊轍可擬超忽變滅未嘗覺山谷之險原關之夷以此異爾今其書自謂真出鍾草出張真字不見

于世惟草獨傳北亭所書適當其逐鴻蒙而問太虛
時矣至其會處廼假浪岷山放乎江之津也廣川書跋

唐宋文貞公碑側記大曆十三年顏真卿撰并書

右唐宋廣平碑側記顏魯公撰載廣平任御史時持
服于沙河縣屬突厥寇趙定州河朔兇懼邢州刺史
黃文軌投艱于公公以父母之邦金革無避及賊至
城下公為曉陳禍福其徒有素聞公威名者相率而
去之開元末安西都護趙含章冒於偵賄多以金帛
賂朝廷之士九品以止悉皆有名後節度范陽事覺
有司以聞玄宗將加黜責公一無所受乃進諫焉玄

宗納之遂御花萼樓一切釋放舉朝皆謝公衣冠儼
然獨立不拜翌日玄宗謂公曰古人以青白遺子孫
今卿一人而已公曰含章之賄偶不及臣門非不受
也玄宗深嘉之又云公第八子衡因謫居沙州參佐
戎幕土蕃入寇陷于賊庭素聞太尉名德曰唐天子
我之舅衡之父舊賢相也其可留乎大曆十一年以
三百騎盡室護歸此皆廣平逸事有以見其清德冠
當世威名動夷狄如此而新舊史皆不載故并錄之

金石錄

右唐宋文貞公碑并碑側記皆顏魯公撰并書文貞

墓在沙河縣碑久埋沒土中近予友方思道作縣出
之重樹於墓以撮本見示金石錄謂碑與新史不同
者二事又謂碑側記載文貞逸事甚詳而新舊史皆
無之予家藏曾公文集中有此碑因得比較以補石
本之缺但其文時有小異如集本云建一言而天下
倚平碑一言作一陽集本云曾祖弘俊碑作弘俊集
本云嘗夢大鳥御書吐公口中公吐之碑作大鳥御
書吐公口中而咽之集本云欲優游自免作鄉里集
本云左右震竦碑左右作天后集本云勅使馳救之
碑救作救集本云與執政通問集本云玄宗將幸西

蜀碑作中宗將幸西京集本云公盛氣詰之碑氣作
色集本云東宮有大功宗廟社稷主也安得異議碑
作春宮有大功主安得異議集本云駕幸洛陽碑作
駕達東都集本云馳道險隘行不得前碑作馳道隘
稽車馳騎不得前集本云以臣免之碑臣字下有言
字集本云母寵愛子碑作母寵子異集本云勅公按
覆碑無勅字集本云置之座右碑之作諸集本云仲
冬十九日碑作十有九日集本云喪葬宮供碑喪葬
作噐葬集本云戊寅歲五月碑無歲字集本云叨太
僕之下烈碑烈作列集本云義形言色碑言作顏集

本云既遷鄴城碑遷作還集本云汴洽流漿碑流作如其不同者又如此此趙氏之所未及也金薤琳琅
唐大聖真身塔銘大曆十三年張或撰楊播行書
唐王師乾碑大曆十三年楊綰撰張從申行書
唐開元寺三門樓碑大曆十三封演撰八分書
唐題朝陽巖詩大曆十三年李舟撰并正書
唐太子典膳郎鄭君碑大曆十三年李翰撰徐珙八分書李陽水篆額
唐兵部郎中張君碑大曆十二年撰序人姓名殘缺却昂撰銘史惟則八分書
唐重摸延陵季子墓刻大曆十四年
右吳季子墓刻自唐以來相傳為孔子書大曆中蕭

定再摸而刻之予覽史記家語及秦漢以前諸子凡孔子與學者談義問答是非褒貶纖悉必載其間荒誕附託者固有之矣况于季子之賢孔子親銘其墓不應畧不見稱于前世至唐而始傳也又碑銘始於東漢孔子時所未有而其字畫乃故為奇恠以欺眩世俗者非孔子書無疑金石錄
唐重修延陵季子廟記大曆十四年蕭定撰張從申正書
唐馬璘新廟碑大曆十四年程浩撰顏真卿正書
唐壽州刺史張鎰去思頌大曆十四年趙巨撰王端八分書
唐顏勤禮碑大曆中顏真卿并正書

右唐顏勤禮碑魯公撰并書元祐間有守長安者後
園建亭榭多輦取境內古石刻以為基址此碑幾毀
而存然已磨去其銘文可惜也 金石錄

唐張敬因碑 大曆中

唐藏懷恪碑 大曆中

唐興唐寺主碑 大曆中撰人姓名殘缺

唐顏處士殘碑 大曆中

唐顏默殘碑 大曆 顏真卿正書撰人姓名殘

右唐顏默殘碑者初穎用人家以其石為馬臺皇祐
中王回深父之弟固容季見而識其為魯公書因模

本以傳深父為文以記之默仕晉為汝陰太守故大

曆中魯公追建此碑于汝陰焉 金石錄

唐開元寺僧殘碑 大曆 顏真卿正書撰人姓

右唐開元寺僧殘碑雖書撰人姓名殘缺然以字書

驗之為顏魯公書無疑也初仁宗朝吳長文參政在

京師僦居治地得之當時文士皆為賦詩今其石尚

藏汶上長文家云 金石錄

唐顏魯公與郭僕射爭坐位帖 大曆中行書

右唐顏魯公與郭僕射書僕射郭英乂也魯公子座

位高下小有失當猶力爭如此使之立朝其肯逢君

之惡乎 金石錄

右唐顏魯公與郭僕射英又書世所謂爭坐位帖此其草也世人重公名節故并重其書故草草之筆亦摹刻焉人其可以不立德邪 金薤琳琅


唐顏魯公宣州殘碑 大曆中行書

唐顏魯公乞米帖 大曆中塞食帖附俱行書

唐顏魯公馬病帖 大曆中行書

唐顏魯公與蔡明遠帖 大曆中行書

唐鳳翔孫志直碑 大曆中裴士淹撰韓擇木八分書

唐翰林學士元結碑 大曆  顏真撰并正書

右唐元結碑顏魯公撰并書按唐書列傳結後魏常山王道十五世孫而碑與元氏家錄序皆云十二世盖史之誤又碑與元和姓纂皆云結高祖名善禕而家錄作善禕未知孰是也 金石錄

唐宰相張九齡碑 大曆中徐浩撰并正書

右唐張九齡碑徐浩撰并書歐陽公集古錄云按唐書列傳所載大節多同而時時小異碑長慶中立而公薨在開元二十八年至長慶三年實八十四年所傳或有同異至于年壽官爵子孫當不謬當以碑為是今考之浩撰碑時為嶺南節度使在太曆間距曲

江之卒未達至長慶中其家始刻石爾劉禹錫讀曲江集詩序以謂曲江燕翼無似終為餒鬼而碑載公嗣子拯孫藏器碑後又載曾孫敦慶玄孫景新景重然則曲江為有後矣不知禹錫何所據乎碑又云公一名博物而史不載

金石錄

唐右神武將軍史繼先墓誌

建中元年徐浩撰并行

右唐史繼先墓誌徐浩撰云公諱繼先字繼先夏后氏之苗裔殷時遷于此土曾祖牟兩可汗祖墨啜可諱懷父墨特勒諱逾輪肇歸皇化封右賢王又云繼先玄宗時為左金吾衛大將軍酒泉郡太守河西節

度副使肅宗初知神武軍事賜姓史氏其後為右神武將軍封潁國公卒於建中元年按唐書突厥傳載墨啜子孫事甚略粗可見者云命默啜子左賢王墨特勒討毗伽可汗其歸朝及繼先賜姓等事史皆無之又史云默啜而墓誌作墨史云墨特為左賢王而墓誌作右賢王皆當以墓誌為據元和姓纂紀史氏亦不載繼先名姓故詳錄之

金石錄

唐蕭和尚靈塔銘

建中元年正書姓名殘缺

唐聰明山碑

建中元年洪經綸撰張沔八分書

唐立漢黃公碑

建中元年李翰撰張從申行書李陽冰篆

唐顏氏家廟碑 建中元年真卿撰并正書李陽水篆

唐三藏和尚不空碑 建中二年嚴郢撰徐浩正書

右唐不空碑唐自明皇以後職官不勝其濫下至佛老之徒亦皆享高爵里祿故不空始為特進大鴻臚

封肅國公既歿又贈司空 金石錄

唐明州刺史王公德政碑 建中二年李舟撰顏真卿書李陽水篆

唐觀無量壽佛經 建中三年比丘道秀正書

唐張茂昭功德碑 建中三年王璿撰并行書

唐扶陽郡君韋氏墓誌 建中四年杜黃裳撰正書無姓名

唐元魯山墓碣 建中四年李華撰顏真卿正書

唐華嶽昭應碑 興元元年咸廙撰劉升書李休光題額

右碑序頌華陰主簿咸廙為故相許國蘇文憲公題祀應而作者也侍御史劉升書按趙明誠金石錄于唐碑搜訪殆徧而獨遺此升書亦僅一見于此碑而已書法八分頗適美可仲季惟則升卿而乏漢意聊為錄之 王世貞

唐段秀實碑 貞元元年德宗撰皇太子誦行書

唐定光上人塔銘 貞元元年吉中孚撰行書姓名殘缺

唐夏縣令韋公遺愛頌 貞元二年鄭士林撰胡誕八分書

唐郭汾陽廟碑 貞元二年高參撰張誼行書

唐鄭州司馬元待聘碑貞元二年劉太真撰韓秀弼

唐均法師碑貞元三年沙門惟心撰高述書

唐宰相張延賞碑貞元三年趙贊撰崑登八分書

唐樗里子墓碣貞元三年獨孤寔撰張誼行書

唐內侍監魚朝恩碑貞元三年吳通玄撰通微行書

右唐魚朝恩碑吳通玄撰通微書朝恩雖以譴死然

其徒如竇文場焦奉超猶居中用事故德宗朝詔為

立碑通玄兄弟于陸贄謗毀抵排無所不至至為朝

恩碑則稱頌功德如此可以見其為人矣金石錄

唐麟德殿宴羣臣詩貞元四年德宗撰皇太子誦行書顏防篆

唐嗣曹王戡碑貞元四年趙贊撰行書無姓名

唐藏用上座院序貞元四年程浩撰吳通微行書

唐贈僕射康日知墓誌貞元五年李紆撰李彝正書

右唐康日知墓誌李紆撰唐書日知傳云祖植開元

中為左武威大將軍而誌云祖諱石生傳云日知終

晉絳節度使而誌云卒于左威衛上將軍傳云累檢

校尚書左僕射贈太子太師而誌云為檢校兵部尚

書其卒乃贈僕射紆與日知同時人墓誌所書宜得

其實也金石錄

唐襄州新學記貞元五年盧羣撰羅讓行書

唐戲馬臺銘

貞元五年劉復撰薛撰薛宥正書

唐滑州新井銘

貞元五年賈耽撰徐壽正書李騰篆

唐說文字源

貞元五年賈耽撰序李騰篆徐壽正書

唐李公懋功昭德頌

貞元五年張濛撰韓秀弼八分書李彝篆

唐明皇哀冊文

貞元五年王緝撰史鎬八分書

唐太聖真身舍利塔銘

貞元六年吳通微撰并正書

唐工部尚書辛京杲碑

貞元六年李竦撰韓秀榮八分書

右唐辛京杲碑按元和姓纂載辛氏云懷節生言為都水使者言生雲京京杲而碑乃云懷節生思廉為左驍衛大將軍公即大將軍之愛子金城郡王之從

父弟新史所書亦同金城郡王即雲京也然則姓纂

以京杲為言之子雲京之同父弟誤矣

金石錄

唐仙巖四瀑布詩

貞元七年路應等唱和行書

唐秋日登戲馬臺詩

貞元十年侯莫陳遂等正書無姓名

唐安國寺大德律師塔銘

貞元七年徐峴撰并正書

唐無量壽經

貞元八年沙門法昭行書在遺教經陰

唐登封修縣記

貞元八年劉琛撰徐頊正書

唐姜嫄公劉廟碑

貞元九年高郢撰張誼行書

右唐姜嫄公劉新廟碑中書舍人高郢撰試大理評事張誼行書廟在今邠州城南唐邠寧節度觀察使

張獻甫所遷故當時稱曰新廟而高郢為文子昔以
尚書郎出使寧夏道邠謁廟其後稍上有履迹平爾
大野曰平乃姜嫄履巨人迹所在予為大書履迹平雅
俗作坪非三字俾州官刻寘廟側盖州人但知有廟而少知乎
此故表而出之 金薤琳琅

唐鄭叔清碑 貞元九年于翰撰韓秀榮八分書

唐左僕射韋安石碑 貞元九年賈至撰孫元行書

唐澤潞李抱真德政碑 貞元九年董晉撰班宏書碑

唐新鸛鵲樓記 貞元九年陳翊撰正書無書人姓名

古今法書苑卷之七十

